

SPIAGGIA DAY 2016

ATIVIDADIS DE RECREU E DE SOCIALIZAZIONI PO PICIOCHEDDUS PO S'ISTADI

Prot. n. 4134 del 22/06/2016

Su Comunu de Scalepranu impari cun sa Cooperativa sociali Serena, a intru de is fainas de su centru de agregatzioni sotziali, organizzant po s'istadi atividadis sportivas, de animatzioni e de socializatzioni po is piciocheddus chi, in s'annu scolàsticu 2015/2016 ant fatu sa scola primària e secundària de primu gradu.

Programma:

- n. 8 dìs de "Spiagia Day" in su stabilimentu de Colostrai in Murera, de is 8 de mengianu a is 2 de meri
- n. 1 dia in su parcu acuàticu de is 8 de mengianu a is 8 de meri.
- n. 1 meri in su cinema e/o sala giogus in sa "Corte del Sole" de Sestu, de is 2 e mesu de meri a is 9 de noti.

Su servìtziu incruit: Biaxu cun su Autobus GT, presèntzia de personali competenti, atividadis in sa spiàgia de su Comunu de Murera in unu tretu beni atrezau e riservau, servìtzius ofrius de su stabilimentu: bagninu, paracus po su soli, dòcia a getonis (a càrrigu de is utentis), gabbinetus e bar. Una dia in su parcu acuàticu e mesu gerronada a merici in su cinema e/o sala giogus in sa "Corte del Sole" de Sestu.



ATIVIDADIS PRATICADAS

Atividadis sportivas, de giogu e de recreu: giogus de spiàgia, a squadra, giogu liberu, atividadis in s'àcua (Spiaggia Day) cun s'assistèntzia de unu bagninu cualificau, atividadis in su parcu acuàticu, mericeddu a tradu in su cinema e/o sala giogus.

ISCRITZIONIS

De su 22/06/2016 in Comunu ant a essi a disponimentu is follus po s'isciriri. Is demandas cun is documentus necessàrius (fotocòpia de sa carta de identidadi, irricia de su versamentu e liberatòria, ISEE po is scontus de sa cuota de partecipatzioni) EST A DDAS PRESENTAI IN COMUNU INTRU MARTIS 12 DE MAJU 2016 A MESUDÌ.

Ant a essi acetadas màssimu 70 richiestas. Chi nd'ant a essi presentadas prus de 70 s'at a fai una graduatòria chi at a favoressi is piciocheddus prus giòvunus. Is atras iscritzionis ant a essi ingòllias cun riserva e pigadas a cunsideru capitendi de tenni disponibladadi de dinai (a segunda de su costu efetivu de su servìtziu) e chi calicunu rinùntziat e po càmbius.

Is utentis in graduatòria ant a pagai una parti de sa su servìtziu paghendi sa cuota de € 110,00 po unu partecipanti, de €. 200,00 po duus partecipantis, de €. 280,00 po tres partecipantis de sa pròpia famiglia. Is familias cun ISEE prus bàsciu de €. 7.500,00 ant a tenni su diritu a unu scontu de su 30% de is cuotas elencadas.

Su Responsàbili de su procedimentu est s'Istrutori Amm.vu Simonetta Laconi 070/9541024

IL RESPONSABILE DEL SERVIZIO
Giovanni Luigi Mereu